

發羣波蕩漾自源流鄙哉蟻慕盲修者癡燕
猖狂戲屠樓

還鄉作

昔年訪道走西東今日筆馭復里中但可卷
懷藏進取不堪開口論窮通人情冷暖香騰
別世事興衰總不同多少孤裘貂帽輩霸陵
消息氣雄雄

勸門人服勞

積福塵勞苦莫辭欲高須以下為基營為不
礙乾坤合動作何妨日月移圓覺四禪依次
定陰符三盜自相宜一真不昧從終始久久
無中養就兒

中秋夜

風開雲幕正中秋拉友携琴宴小樓檀屑滿
拈添瓦鼎荻簾高捲掛銀鈎喜觀天西十分
月豈惹人間半點愁飲醉西風忘彼此不離
眼底看瀛洲

贈趙錄判

常道無為玄且妙世人多欲觀邊徼速流分
冰昧真涼直志除斜撮正要上士聞之信又

行下愚得也証更笑是以洪波懶擲鈎巨鼈
魚餌知難鈎

悟真集卷上



悟真集卷下

錦屏山通玄子李先生集

連三

詩

勸修行早離鄉

修行不遠離親愛只為當生泥水倩元本因
他泥水成下梢管被泥水壞

釣馬先生未許

苦海漂流欲鈎龍見鼈不敢下鈎撈奈何一
冰傾丹浪怒捲風波轉更高

內觀心月

自家宮闕徹天寬高掛團團白玉盤皎潔清
光無翳障簾幃深鎖愆情觀

鎖猿

赤帝山中黑色猿攀花摘果要難收而今打
得金剛索鎖在黃庭不舉頭

繫馬

靈臺赤馬太驕肥愛對風前月下嘶幸得民
安無戰陣舊槽繫繫不牽騎

問一暮不出卷

結制生涯戊己家慇懃特地造三車琢開古

轍崑崙過大道周流無障遮
痛飲刀圭灌玉花醉眠一任日西斜客來幾
度敲門喚一夢遊仙尚未家

壺中境

天內一天少見知無生真境此為基道人箇
裏曾遊歷休問修行無有為

試筆

心手相忘玉管搖聲如寒雨響瀟瀟不離蘭
紙兩三幅寫出龍蛇千萬條

春愁

人被春來苦不忤等閑難上我眉尖尋思白
髮無情理不問主人添便添

謁袁權府

三秋雨過曉風悲深處寒生試問衣小富欲
成近大富茶靡故掩謁朱扉

誠謗傲

萬慮沉沉一氣冲朝昏常在香冥中人來話
我我慵語識破人間事事空

錯認

聲色堂中休覓佛馨香洞裏莫尋仙請觀猿

摸波間月影動方知不是天

雪

雲生風送雪霏霏誰識乾坤造化機碧玉
前童子笑黑牛變作白牛歸

夢飲

煮餒琴書卧小軒夢隨劉阮酌桃源醒來復
醉醉還醒醒寂寂無人啼曉猿

同人見訪

昨感良朋蠟屐來東臯笑傲晚慵迴樵童倚
我臨流坐不賦新詩亦快哉

養志

收拾琴書歸去來鶴全毛羽蛤成胎得衝霄
漢潭無礙高街神珠見九埃

警送孝

臭腐化神神化臭輪迴一舊一番新明知物
理渾如此何事生人送死人

居山

蟠跡茅庵已數年等閑無事不山前莫言閑
樂不由己自是人心著萬緣

屋上峯巒映夕陽半林紅翠並茅堂茶餘客

去紫門掩關弄流泉趁晚涼

別河津和馬先生韻

樂寓山菴未卜歸征鴻喚省思依依如今已
得道遠趣擬學孤雲自在飛

道人心似白雲開動止從容自在間憶出谷

時便出谷要歸山則即歸山

嘆生死

行尸休為死尸悲父去看看子亦隨陰薄星
星明有限只爭勾早與勾遲

月夜

風收雲幕露青天天地冰壺冷湛然萬點星
踈銀漢淡一輪明月正孤圓

陽火

陽光上越一重天下徹無疆九壘邊星月伏
藏陰怪滅一輪赫赫顯孤圓

牧牛

牧童晚唱樂江邊放下白牛不顧牽寂寂虛
花煙水外一輪明月照青天

自樂

外無煩惱內無思不醉不醒不即離何事道

心清樂處碧天風細月明時

警昧真心

共說修心不識心真心別隱洞天深欲知不問修真士走遍天涯無處尋

寄楊先生

大法堂前授劍時囑教付與丈夫兒奈何落在雌茶手匣內悲鳴孰可知

勸學

天元真氣上天梯收拾栽培要灼知全會始終無退倦只爭成早與成遲

警貪求

蠅頭利賂十分追不恤人難任四知一旦積成盈貫罪取招業債情鳥誰

諫招後言

忠言十九不機投面苟相從背變離范蠡悟來無後患夫差徒見子胥羞

賤利名

歸去來兮雪滿頭利名心上擎然休當機抵了輪迴債也是今生贏一籌

幽居

欄檻數竿君子竹矮窗幾卷聖人書遊仙夢斷松陰轉一標絲桐樂有餘

內巧

吹紅海底一爐火消却山頭兩片冰火自滅時分自盡日光月色共圓明

嘆道寶

陶瓦大璞作生涯耀古輝今無玷瑕放去收來天地窄崢嶸神用應無涯

雪後調琴

閑樂絲桐取次調坐親爐火恣逍遙貪憐微外琅然曲不管門前雪未消

畫眠

畫寢明窓况味高心頭塵慮絕纖毫甜然半覺遊仙夢又向壺天看一遭

兵後遊河中府

奔都樓閣冠天下幾逐灰殘幾度修唯有條山林麓在魏魏依舊過春秋

家陽宮西軒

西軒高卧性醜醜飲醉西風混太空空裏幾多真變化樂然分付不言中

寂寂西軒遠市廓寬藏法界我深憐候門人到慵相對獨稱閑人宴坐禪

西軒雲愁枕書眠瓦鼎山檀裏瑞煙一味清音偏貫耳瑤琴風鼓自琅然

登鶴雀樓觀河

地上長河天底山天兵怒激浪迴還爭如樓上無名客不起風波自在閑

夏日晚興

自南薰吹晚生涼散榻橫琴對夕陽三弄聲殘明月上矮童來請夜燒香

初春雨後

青雨初晴日漸長輕寒猶自勒羣芳道情樂景憑誰說獨傲東風立夕陽

家陽宮早起

幾韻金鐘送曉寒遊仙夢斷不成眠起觀太華峯頭月斜照條山影浸天

文秀才問道

常道真常常自知知常常道乃無為無為為得無言說說者真常道即離

寄山南任先生

08

塵談一別十年間，幾見賓鴻護往還。望斷前山風月底，想應一樣養高閑。

贈張先生入園

禁身禁足勤行道，忘相忘言宴坐禪。大覺圓通明五眼，不離當處是羅天。

嘆日月催促

纔過中秋皓月圓，又逢重九菊花天。四時直恁催人老，攬撥一年又一年。

警教殺

生死朝昏事不訛，壽長壽短一南柯。臨喪莫起悲酸念，輪到頭來奈爾何。

重遊河中

四十年前此地遊，繁華幾換度春秋。黃河不在興亡後，依舊滔滔滾東流。

幽居晚步

麻衣拂地瘦筇長，踏破雲山正夕陽。回首黃昏香火罷，笑披風月入禪房。

嘆害人者人害

蟬樂松枝興未休，螳螂牙爪利如鈎。一心只慕甜蟬味，豈顧黃鸝在後頭。

明守分

平生無作為，稟性太愚癡。鉢千家飯，三冬百衲衣。般般常足意，事事不愁眉。何為窮能困，玄元說儉慈。

秋赴河津立菴讀貧

蓑笠離桑梓，時當霜葉天。琴書拋我友，瓶鉢謁他賢。瓦解霜侵榻，簷頹雨滴椽。虎狼蹤戶外，苔蘚滿窻前。行訝頻凋巷，眠俛后稷綿。几無龍尾硯，架絕鴈頭箋。淺蘸禿毫筆，濃磨破竈煙。興題寒憲傳，閑閱范丹篇。不怨人深悟，常思己薄緣。固窮心不濫，抱道志彌堅。香奩冥冥坐，昏昏默禪幻。軀培丈室真，性透重玄內外融。無二縱橫滿大千，五行難造化。二氣羅催煎，極樂清涼境。道遙自在仙，妙機無可說。緘口待天年。

警門人

修行莫盲志，戒精誠天崩。莫懼地陷休，驚下忘貧賤。上傲公卿闈，中取靜死裏。逃生內全淨，體外絕人情。圓明五眼證，果三乘斯言。再囑余弟，余兄鸞飛真跡。跛躄備行面，從背毀。

財重義輕樂從猿，要動學難爭。性迷聲色意，在功名問君端的。曷幹前程。

遺世頌

人聽清角不聞雷，震我今歸去。大限有盡好事，擬說說也難信。余弟余兄道之可進。

悟真集卷下